

~~5~~
47

HARVARD COLLEGE LIBRARY
FROM THE
HARVARD-YENCHING
INSTITUTE

AUG 30 1929

~~Ch L^R 9299.1142~~

~~Ch L 9301.114~~

79299/114

47
九

3

三才圖會

儀制五卷

皇太子冠圖

品官冠圖

士庶冠圖

天子納后遣使圖

納后納木圖

受冊圖

上海圖書館藏

雲間王雲五

三才圖會

哈佛大學
哈佛燕京
圖書館
珍藏印

儀制五卷

雲間于
明父王
履補集

皇太子冠圖

品官冠圖

士庶冠圖

天子納后遣使圖

納后納采圖

受冊圖

納后合巹圖

三才圖會卷之四 禮部 五

百官拜位



皇太子冠圖

親王冠圖同

皇太子次

冠席

陳設

坐位

百官拜位

御座

皇太子

賓贊

百官拜位

醴席

奠獻

皇太子加元服儀

前期太史監承

制筮日工部製

衮冕遠游冠折上巾服翰林院撰祝文祝辭禮部備儀注

中書省承

制命某官為賓某官為贊既筮日遣官奏告

天地宗廟禮部告示文武百官於 皇城守宿至日侵晨


具朝服行禮前一日內使監令陳 御座香案于 奉天

殿中侍儀設 皇太子次于 奉天殿之東房設賓贊次

于 午門外設 皇太子拜位于 丹陛上正中又設賓

贊受 制位于 皇太子位之稍西北東向設承 制官

位於 御座之東西向又設承 制官宣 制位於 皇



太子位之東北西向設賓贊拜位於內道之東北面西上
設文官拜位於丹墀內道之東每等異位重行北面西
上設武官拜位於丹墀內道之西每等異位重行北面
東上設使客位於文官拜位之東北面西向設殿前班諸
執事起居位於武官起居位之北東向設侍從班諸執事
起居位於文官起居位之北西向設宿衛鎮撫二人位於
東西陛下東西相向護衛百戶二十四人位於宿衛鎮撫
之南稍後東西相向典牧所官二人位於乘馬之前東西
相向知班二人位於文武官拜位之北東西相向通贊典

禮二人位於知班之北東西相向通贊在西贊禮在東引
太師太尉二人位於太師之北西立東向引文武班四人
位於文武官拜位於北稍後東西相向引殿前班二人位
於引武班之南引使者二人位於引文班之南設殿前班
指揮司官三員侍立位於丹陛上之西東向光祿寺官
三員位於丹陛上之東西向拱衛司官位於殿門之左
右東西相向文官侍從班起居注給事中殿中侍御史尚
寶卿位于殿上之東西向武官侍從班懸刀指揮位于殿
上之西東向護衛千戶八人位于殿東西門之左右東西

相向典儀二人位於丹陛上之南東西相向鳴鞭四人
位列於丹陛上北向將軍二人於殿上簾前之左右
將軍六人位於殿門之左右將軍四人位於丹陛上之
四隅將軍六人位於奉天門之左右東西相向是日侵
晨金吾衛陳設甲士於午門外之東西擊鼓於門外之
中道列旗仗於奉天門外之東西陳五輅於丹墀之
南北向典牧所陳仗馬於文武樓之南東西相向陳虎豹
於奉天門外東西相向協律郎陳樂於丹墀文武官
拜位之南執事官設盥洗於東階東南罍在洗東篚在洗

西內使監設皇太子冠席於殿上東南西向設醴席於
西階上南向張帷幄於東序內設褥席於帷中又張帷於
序外御用監陳服於帷內東領北上衮服九章遠游冠絳
紗袍折上市絳紗袍緇纒犀簪二物同箱在服南櫛實於
箱又在南司尊實醴於側尊加勺罍設於醴席之南設坫
於尊東置二爵於坫進饌者實饌設於尊北諸執事者皆
立於其所冕九旒遠游冠十八梁折上市冠冕各一箱盛
執事官各執立於階之西東向北上擊鼓初嚴催班舍人
各催文武官具朝服擊鼓次嚴引班引文武官依品從齊

班於 午門外以北爲上東西相向通班贊禮知班典儀
內贊宿衛鎮撫護衛鳴鞭殿內外將軍俱入就位引禮引
賓贊入立於 奉天門外道東西相向東宮官以下導從
皇太子至殿門外贊禮同太常博士引 皇太子詣 奉
天殿東房訖引班引殿前班指揮光祿寺卿諸侍衛官各
服其噐服及尚寶卿侍從官入詣 謹身殿奉迎擊鼓三
嚴引班引文武官以序入就起居位侍儀版奏外辦御用
監奏請 皇帝服通天冠絳紗袍御輿以出侍衛導從警
蹕如常儀 皇帝將出仗動陞 御座將軍捲簾鳴鞭司

晨雞唱訖引禮引賓贊入就位立定贊禮唱鞠躬

樂作拜興

拜興拜興拜興平身賓贊及文武百官皆鞠躬拜興拜興

拜興拜興平身

樂止

侍儀詣

御座前承

制降自東階詣

賓前稍東西向稱有勅贊禮唱跪承傳通唱在位官皆跪

侍儀宣

制曰

皇太子冠命卿等行禮宣

制訖贊禮

唱俯伏興拜興拜興拜興平身文武侍從班起居注

給事中殿中侍御史尚寶卿陞殿立於殿上之東西向武

官侍從班懸刀指揮陞殿立於殿上之西

東向

引禮引賓贊

及應行禮官詣東階下位立定東宮官入詣 皇太子東

房次太常博士亦詣東房引 皇太子入就冠席內侍二

人夾侍東宮官後從皇太子初行樂即席西南向樂引禮

引賓贊以次詣盪洗樂搯笏盥手樂脫手訖出笏樂升自西

階執折上巾者升賓降一等受之右執項左執前進 皇

太子席前北面祝畢乃跪冠樂賓興席南北面立贊冠者

進席前北面跪正冠興立於賓之後內侍跪進服服訖樂

賓揖 皇太子復坐引禮引賓贊降詣盪洗如上儀贊冠

者進席前北向跪脫折上巾置于箱興授內侍內侍跪置

于席執遠游冠者升賓降二等受之右執項左執前進

皇太子席前北向立祝畢乃跪冠樂賓興席南北面立贊

冠者進席前北面跪簪結紘興立於賓後 皇太子興內

侍跪進服服訖樂賓揖 皇太子復坐引禮引賓贊降詣

盪洗如上儀贊冠進席前北向跪脫遠游冠置于箱興授

內侍內侍受置于執樂衮冕者升賓降三等受之右執項左

執前進 皇太子席前北向立祝畢乃跪冠樂賓興席南

北面立贊冠者進席前北面跪簪結紘興立於賓後 皇

太子興內侍跪進服服訖樂太常博士引皇太子降自東

階樂由西階升即禮席南向坐樂引禮引賓詣盪洗樂搯

笏盥手帨手訖出笏升西階樂止贊冠者取爵盥爵帨爵詣

司尊所酌醴授賓賓受爵跪進于皇太子席前北向祝

畢皇太子摺圭跪受爵樂作飲訖奠爵執圭進饌者奉饌

設於皇太子席前皇太子摺圭食訖執圭興執事官

徹爵與饌太常博士引皇太子降自西階詣殿門東房

易朝服訖詣丹墀拜位北向東宮官屬各復拜位皇

太子初行樂作至位樂止引禮引賓贊詣皇太子位稍東西

向賓少進字之辭畢奉勅字某太常博士啓皇太子再

拜典儀唱鞠躬拜與拜興跪聽宣勅畢就拜興拜與平身

太常博士引皇太子進御座前俛伏跪奏稱止不敏

敢不祗奉奏畢復位侍立官並降殿復拜位典儀唱鞠躬

拜興拜興拜興承傳唱在位官以下皆拜鞠躬拜興

拜興拜興拜興平身侍儀奏禮畢贊禮承傳唱禮畢皇

帝興樂作警蹕侍從導引如來儀至謹身殿樂止內給事導

皇太子入內朝見皇后如朝正之儀引禮引賓贊引班

引東宮官及文武百官以次出

親王冠禮一前期三日各執事官于本部習儀至日傳

制遣官持節行禮一前期儀衛司先設王邸在東序張

帷幄設裋褥于序中又張帷于序儀禮司設掌贊宣勅

戒等官序立位于王邸東稍西向具九旒冕翼善冠絳紗

袍等服并網巾金簪二物各以箱盛候持節者至禮部儀

禮司等官啓王出迎門外贊禮導王行節入王邸置中

庭樂作贊王詣香案前四拜畢禮部等官啓就冠席西

南向內侍二人夾侍樂止引禮引賓贊以次詣壘洗樂作

搯笏盥手樂止通贊典儀二人露臺東西向冠席在東序

南西向禮席行禮之時諸執事官陞自東階稍西向掌冠

者執網巾陞賓降一等受之進王席前稍北面立祝曰

惟茲吉日冠以成人克敦孝友福祿來臻畢供奉官束髮

掌冠跪進網巾樂作贊冠者跪正之興立掌冠後內侍跪

進服訖樂止掌冠啓王復坐執翼善冠陞賓降二等受之

右手執冠後左手執冠前進如前儀祝曰冠禮斯舉寔由

成德敬慎威儀惟民之則畢跪進冠興樂作掌冠啓復坐

贊冠進跪脫翼善冠興內侍跪脫袍服執衮冕者陞賓降

三等受之進如前儀祝曰冠至三加命服用章敬神事上

永固藩邦跪進服興樂作贊冠跪簪結紘興立堂冠後

王興內侍跪進衮服訖樂止禮部官引王降自東階樂

作由西階陞醴席南向坐樂止引禮引掌冠詣盥洗樂作

搯笏盥手訖陞西階樂止贊冠者取爵詣司尊所酌醴授

賓賓跪進席前北面祝曰旨酒嘉薦載芬載芳受茲景福

百世其昌畢王摺圭受爵樂奏喜千春之曲飲訖奠爵

出圭進饌饌訖引王降自西階詣東序易服訖樂止請

王詣拜位樂作引禮引宣勅戒官至中庭西向立稱有

制王跪樂止宣勅戒曰孝于君親友于兄弟親賢愛民率

由禮義毋溢毋驕永保富貴樂作俯伏興四拜興樂止禮
部官啓禮畢引 王還樂止掌冠等官復 命王是日謁
廟畢就詣 父王及東宮前謝次日百官稱賀畢詣 王
府行叩頭禮

品官冠禮圖

筐洗壘坩

側尊

甒醴

將冠者

雙童紒

冠者席

主席

次席

價

陳服

陳服

陳服

醴筵

賓席

執冠箱人

士庶冠禮圖

張帷為房於廳事之東

將冠者

雙紒

冠席

盥盆

履

儼者

酒壺

盥注

公服帶靴

襪衫帶靴

深衣大帶

櫛篋

醴席

執幘頭者

執帽者

執巾者

賓

冠儀

前期擇日王者告于家廟無廟則告于祠堂北面

再拜告云某之子某年漸長成將以某月某日加冠於其

首謹以告乃筮賓王者北面再拜告云卜以某甲子吉冠

其速其賓加冠庶幾臨之謹告前二日王者戒賓及贊冠

者王者至賓大門外掌次者引之次儼者受王者之命入

告賓曰某之子某將加冠願吾子教之賓曰某不敏恐不

能供事以辱吾子敢辭王者曰某猶願吾子教之賓曰吾

子重有命某敢不從王者再拜賓答拜王者還賓拜送王

者戒贊冠者亦如之

亦通使子弟戒之

前一日掌事者設次於大

門外之右南向其日夙興掌事者設洗於堂阼階東南東

西當東霤六品以下當東榮南北以堂深疊水在洗東加勺羃篚

在洗西南肆實巾一於篚加羃席於東房內西牖下無房者張

帷為之陳服於席東領北上莞筵四加藻席四在南側尊無

醴在服北加勺羃設四品以下設篚無玷在尊北饌陳於玷北設

洗於東房近北疊水在洗西篚在洗東北肆實以巾質明

賓贊至於王者大門外掌次者引之次賓贊公服諸行事

者各服其服六品以下無公服者服常服執尊疊篚者皆就位其冠各

一廂各一人執之待於西階之西東向北上設王者之席

於阼階上西向賓席於西階東向冠者席於王者東北西

面王者公服立於阼階下當東序西面諸親公服非公服

者常服立於疊洗東南西面北上尊者在別室賓者公服立於

門內道東北面將冠者雙童髻空頂幘雙玉導金寶飾絲袴褶錦紳烏皮履六品以下導不

以玉此唐宋之制也立於房內南向王者贊冠者公服立於房內戶

東西面賓及贊冠出次立於門西贊冠者少退俱東向

北上儻者進於王者之左北面受命出立門東西向日敢請

事賓曰某子有嘉禮命某執事儻者入告王者迎賓於大

門外之東西面再拜賓答拜凡主賓拜揖皆贊禮者相導王者揖贊冠

者贊冠者報揖王者又揖賓賓報揖王者入賓及贊冠者
次入及內門行至階王者立於階東西面賓贊立於階西東面王者請升賓曰

某備將事敢辭王者固請賓固辭王者終請賓三辭王者

升自阼階立於席東西向賓升自西階立於席西東向贊

冠者及庭盥於洗升自西階入於東房立於王者贊冠者

之南俱西面王者贊冠者引將冠者立於房外之西南面

賓之贊冠者取纚櫛簪跪奠於冠者筵南端席北少東西

面立賓揖將冠者賓主俱即席坐將冠者進升席西南坐

賓之贊冠者進筵前東面跪脫雙童髻置於箱櫛畢設纚

與復位立賓主俱與賓降至盥洗盥手訖詣西階王者立

於席後西面賓立於西階上東面執緇布冠者升授賓賓

降一等受之右執項左執前進將冠者筵前東向立祝曰

令月吉日始加元服棄爾幼志慎爾成德壽考維祺介爾

景福乃跪冠興復西階上席後東面立賓之贊冠者進筵

前東面跪結纓興復位冠者興賓揖冠者冠者適房賓主

俱坐冠者著青衣素裳之服出房戶西南面立賓主俱與賓揖冠

者冠者進升席西向坐賓之贊冠者跪脫緇布冠置於箱

櫛畢設纚興復位執進賢冠者升賓降二等受之右執項

左執前進冠者筵前東向立祝曰吉月令辰乃申爾服恭爾威儀淑慎爾德眉壽萬年永受胡福乃跪冠興復位賓之贊冠者跪設簪結纓興復位冠者興賓揖冠者冠者適房賓主俱坐冠者著絳紗服出自房戶西南面立賓主俱興賓揖冠者進升席西向坐賓之贊冠者跪脫進賢冠置於箱櫛畢設纚興復位執爵弁者賓降三等受之右執項左執前進冠者筵前東向立祝曰以歲之正以月之令咸加爾服兄弟具在以成厥德黃耇無疆受天之慶乃跪冠興復位賓之贊冠者跪設簪結纓興復位冠者興賓揖冠

者適房賓主俱坐王者贊冠者撤纚櫛簪箱及筵入於房又設筵於室戶西南向冠者著爵弁之服出房戶西南面立賓主俱興王者贊冠者盥手洗觶於房酌醴出房南面立賓揖冠者就筵西南面立賓進受醴進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受觶賓復西階上東面答拜執饌者奉饌薦於冠者筵前冠者左執觶右既肺祭於籩豆之間贊冠者既肺一以授冠者冠者奠觶於薦西以祭冠者坐既觶祭醴奠觶再拜執觶興賓答拜賓主俱坐

冠者升筵跪奠觶於薦東興進北面跪取脯降自西階入見母進奠脯於席前退再拜以出冠者母不在則使人受脯於西階下初冠者入充母賓主俱興賓降當西序東面立主者降當東序西面立冠者既見母出立於西階東南面賓少進字之曰禮儀既備令月吉日昭告爾字爰字孔嘉髦士攸宜宜之于嘏永受保之曰伯其甫冠者曰其雖不敏夙夜祗奉賓出主者送於內門外主者西向請賓曰吾子辱執事請禮從者賓曰其得將事敢辭主者固請賓曰其既不得命敢不從賓就次主者入初賓出冠者東面

見諸親諸親拜之冠者答拜冠者西面拜賓之贊冠者賓之贊冠者答拜訖見諸尊於別室賓主既釋服改席訖賓與眾賓俱出次立於門西東面主者出門東西面主者揖賓賓報揖主者先入賓及眾賓從之至階賓立於西階上贊冠者在北少退俱東面主者立於東階上西面眾賓降立於西階下東面掌事者以幣篚升授主者主者授幣篚于賓賓受之又以幣篚授贊冠者贊冠受之俱復位主者還阼階上北面拜送賓贊降自西階主者送賓於大門外之東西面再拜賓出主者入孤子則諸父諸兄戒賓冠之

日主者紿而迎賓拜揖讓如冠主冠於阼階之下禮賓拜
送皆如上儀明日見廟冠者朝服質明贊禮者引入廟南
門中庭道西北面贊再拜訖引出


士庶冠禮儀

凡男子年十五至二十皆可冠將冠筮日筮賓於祠堂戒
賓俱同品官儀是日夙興張帷爲房於廳事之東賓主執
事者皆盛服設盥於阼階下東南陳服于房中西牖下東
向北上席二在南酒壺在服北次盞注幘頭帽巾各盛以
盤蒙以巾帕執事者三人捧之立于堂下西階之西南向
東上主人立于阼階下子弟親戚立于盥東僮者立于門
外以俟賓將冠者雙紿袍勒帛素履待於房中賓至主人
出迎揖而入坐定將冠者出於房執事者請行事賓之贊

者取櫛總篋幘頭置於席南端賓揖將冠者將冠者即席
 西向坐賓之贊者為櫛令紛施總加幘頭賓主皆降主人
 立于阼階下賓盥訖主人揖讓升自西階皆復位執事者
 以巾進賓降西階一等受之詣冠者席前東向祝云云跪
 為着巾興復位冠者興賓揖冠者適房易服深衣大帶出
 房即冠席賓盥訖降二等受帽進祝贊者徹巾賓跪冠興
 復位冠者興賓揖冠者入房易服旋襪衫腰帶出房即
 冠席賓盥訖降三等受幘頭進祝三祝皆同品官詞贊者
 徹帽加幘頭復位冠者興賓揖冠者適房易公服出房執

事者徹冠席入帷中更設醴席於西階南向贊者酌醴出
 房立於冠者之南賓揖冠者即醴席西向立賓受醴詣席
 前北面祝同品官詞冠者於席西拜受賓答拜執事者薦
 饌冠者即席坐飲食訖再拜賓答拜冠者離席立於西階
 之東南向賓字同品官詞冠者拜賓答拜冠者拜父母父
 母為之起拜諸父之尊者遂出見鄉先生及父之執友先
 生執友皆答拜訖賓退主人請禮賓辭固請許諾乃入設
 酒饌延賓及僮贊者賓退主人酬賓贊侑以幣乃拜謝禮
 畢主人以冠者見祠堂告曰某之子某冠畢敢見冠者北

面焚香再拜出



天子納后遣使圖一

門

車將軍

將軍

車將軍

將軍

車將軍

將軍

門

門

引班舍人
引班舍人

文官侍立位

樂

武官侍立位

引班舍人
引班舍人

使者

副使

護衛

護衛

護衛

護衛

護衛
護衛

護衛

護衛

引禮

引禮

承制官

將軍

執節

王節官

舉寶案

舉寶案

奉寶官

用案

寶案

用案

奉冊官

舉冊案

舉冊案

文官侍立位

御座

武官侍立位

納后納采圖

問名納吉納徵請期同

制案

使者
副使
執節
執鴈

贊禮
儼者

主昏受制位

引使者

主人拜位門

贊禮

使副序立位

使副次

贊禮
儼者

引使者

位官昏主

遣使儀

前期禮部移文太史院擇某日奏告

天地

宗廟某日遣使納采問名太史院擇日以報禮部禮部奏
聞翰林院承制撰納采問名制文禮部依式樣制製書版
書制文訖命所司備雁并其他禮物以伺又承制命某官
爲使者某官爲副使告示文武百官於 皇城守宿至日
鳴鐘後具朝服侍班前一日內使監設 御座香案於
奉天殿正中尚寶卿設寶案於 御座之南侍儀司設制
書案於寶案之南設雁及禮物位于 丹陛上設主節官
位於制書案之東西向執節者位于主節官之南稍後捧

制官二人位于制書案之西東向舉案者位于捧制官之
後設承制官位于殿上及丹陛之東南設使者及副使
拜位于丹墀內道稍西東上北向又設副使受制書位
于拜位之北使者在東副使在西俱北向設執雁者及舉
禮物者位于丹陛下之西東向贊禮二人位于丹陛
上之南東西相向司贊二人位于使者拜位之北東西相
向知班二人位于司贊之南東西相向設文武百官侍立
位于文武樓之北東西相向文武侍從班位于殿上之左
右引文武班舍人四人位于文武官之北稍後東西相向

引使者一人位于使者之北西立東向拱衛司光祿寺官
對立位于奉天殿門之左右東西相向將軍二人位于
殿上簾前東西相向將軍六人位于奉天門之左右東
西相向又將軍四人位于丹陛上之四隅東西相向又
將軍六人位于奉天殿門之左右東西相向鳴鞭四
于丹陛上北向是日金吾衛陳設甲士儀仗于午門
外之西拱衛司陳設儀仗于丹陛丹墀之東西設遮蓋
制書黃蓋于奉天殿前和聲郎設樂位于丹墀之南
備而侍儀司設綵輿儀仗于奉天門外正中質明擊鼓
不作

初嚴催班令人催百官具朝服導駕宮侍從官入迎車
駕次嚴引班舍人引文武百官入就侍立位引禮引使者
具朝服立于丹墀之西以伺諸執事者各就位三嚴侍
儀奏外辦御用監跪奏請皇帝服袞冕出謹身殿尚
寶卿奉寶前導侍從導引如常儀至奉天殿陞御
座尚寶以寶置于案捲簾鳴鞭雞唱報時訖禮部官捧
制書置於案上執事者陳雁及禮物於丹陛上主節官
執節者入就殿上位西向立承制官立於主節官之北奉
制官立於制書案之西舉案者立於其後引禮引使者就

丹墀拜位贊禮唱鞠躬拜興拜興拜興平身使者鞠
躬拜興拜興拜興平身引禮引使者及副使稍前至
受制位北向立定承制官進詣御座前跪承制訖由中
門出至丹陛上宣制位奉制官率執事舉制案由中門
出拱衛司擎黃蓋遮護自中陛降以案置受制位主節官
率執節者執節前導至使者前主節官西向立執節者立
於主節官之南奉制官立於制書案之東舉案者立於奉
制官之後西向承制官稱有制典儀唱跪使者跪承制官
宣制曰皇帝納某女爲皇后制使卿等持節行納采

禮宣制訖執節者脫節衣以節授主節官主節官受節西
向授使者使者搢笏跪受以授執節者執節者跪受節興
立於使者之左主節官退奉制官就案取納采制書西向
授使者受制書興復置于案出笏退復位奉制官復詣案
取問名制書西向授副使副使搢笏跪受制書興復置于
案出笏退復位奉制官退引禮引使副退就拜位立定贊
禮唱鞠躬拜興拜興平身使者鞠躬拜興拜興
拜興拜興平身引禮引使副從制書案出執節者前導舉
案者次之執雁及禮物者由西陞陞取雁及禮物由中陞

降以次行制書案之後出 奉天門外執節者加節衣使
者取 制書案置於綵輿中使者步從出 午門外儀仗
在前鼓吹次之不執節者次之禮物次之執雁者次之綵
輿次之使副從行於綵輿之後初 制書出 奉天門侍
儀跪奏禮畢 皇帝興還宮引班引百官以次出 執禮
物者由西陞陞各執物由 中陞降從于案後冊寶使奉
迎使以次從出一執節者前導至 奉天門外奉迎使取
制書置綵輿中冊寶使取冊寶置綵輿中以次進發由
午門中門出 皇后儀衛在前次車輅次冠服次雁次禮

物綵輿衆官從行于後至 皇后第行冊禮及奉迎如後
儀

納后納吉納徵告期儀 前一日所司設 制案節案禮

物中和樂至期清晨設鹵簿綵輿大樂傳 制遣使並同

前納采問名儀但納徵用玄纁束帛六馬等物 制詞云

茲聘某官某女爲 皇后命卿等持節行納吉納徵告期

禮 皇后第前一日設正副使幕次香案 制案節案別

設案並同前受納采問名儀惟更設玉帛案其日正副使

至 皇后第於綵輿中取 制書玉帛置案上少候執事

先設 皇后冠服諸禮物於正堂六馬陳於堂下禮官一

員入正堂主婚者出見禮官曰奉 制聘 皇后遣使行

納吉納徵告期禮主婚者出迎執事舉玉帛案前行正使於案取納吉納徵制書捧之副使取告期制書及節捧之次行主婚者後隨至正堂正副使各以制書及節置案上退立案之左右相向置玉帛案于制書案之南引禮引主婚者就拜位行四拜禮引詣案前跪正使取納吉納徵制書以次宣訖授主婚者主婚者受制以授執事者執事者跪受置于北案正使捧主授主婚者主婚者受主以授執事者執事者跪受置于北案副使捧玄纁授主婚者主婚者受以授執事者執事者跪受置于北案副使取告期制書宣訖授主婚者主婚者受制以授執事者執事者跪受置于北案主婚者俯伏與平身復位行四拜禮畢正副使持節出以節置綵輿中主婚者送至門外請禮從者及捧幣勞正副使俱同前正副使還至奉天門外以節授司禮監官捧入復命

納后受冊儀 前一日侍儀司設冊寶使幕次于 皇后
 第門外設內使監官幕次于中門之外設內外命婦幕次
 于中門之內設尚宮及宮人幕次于 皇后閣外設使者
 序立位于大門外之東副使及內使監官于使者之南執
 節者位于使者之北少退俱西向設主婚者序立位于大
 門內之西東向又設使副位于中門外之東西向執節者
 位于使副之北設授冊寶內使監官及讀冊寶奉冊寶監
 官位于使副之北西向設主婚者位于奉冊寶之南司贊
 二人位于中門之左右東西相向引使者二人位于司贊

之南東西相向又設 皇后座于閣之正中設冊寶案于
皇后座之南設香案于閣門外之庭中隨 闕所向設權
置冊寶案于香案之前冊東寶西設 皇后受冊寶位于
案前北向設司言司寶一人位于 皇后位之西東向設
授冊寶內使監官位于冊寶案之東西向設讀冊寶內使
監官位于授冊寶使之北西向設尚宮傅姆位于 皇后
之左右設宮人侍立位于傅姆之後東西相向設內外命
婦拜位于庭下重行北向尚儀二人位于 皇后拜位之
北東西相向司贊二人位于內外命婦拜位之北東西相

向其日侵晨內外命婦各服其服先至 皇后第幕次以

伺冊寶使奉迎冊寶至 皇后第儀仗鼓吹分列于大門

外之左右備而陳冊寶綵輿于大門外之正中進 皇后

鹵簿儀仗重翟等車以次列于大門之內掌次巡冊寶使

入就次內使監官入就次尚宮及宮人先奉 皇后首飾

褱衣入就次冊寶使既至次儼者引主昏者朝服立于太

門內之西內侍引內使監官序立于中門之外引禮引冊

寶使出次詣綵輿前取冊寶置案上立于大門外之東執

節者立于其北儼者出詣使者前請曰敢請事使者曰某

奉制授 皇后備物冊寶儼者入告遂引主昏者出迎使
者于大門外之南北面立儼者唱鞠躬拜興拜興平身主
昏者鞠躬拜興拜興平身使副不荅拜儼者引主昏者先
入立于中門外之西東向執節者導使副入執節在前持
案者次之使副從其後至中門外以案置于位冊東寶西
使副各就位立定持節者脫節衣使者詣案取冊以授授
冊內使監官內使監官受冊以授內侍內侍受冊立于內
使監官之右副使詣案取寶以授授寶內使監官內使監
官受寶以授內侍內侍受寶立于授寶內使監官之右舉

案者以案退使副亦退就位內侍奉冊寶由中門入授冊
寶內使監官及讀冊寶內使監官從入至閣門外以冊寶
置于案尚宮及宮人奉 皇后首飾禕衣入閣請 皇后
具首飾禕衣訖尚宮傳姆宮人內侍等導從 皇后出宮
在前傳姆次之宮人四人執扇擁護一人在前一人在後
皆分列左右宮人內侍皆從其後至閣門外降自東階詣
香案前向闕立尚宮傳姆分立于左右內侍引內外命婦
就庭下分東西相向立內使監官稱有制尚儀奏拜興拜
興 皇后拜興拜興尚儀奏讀冊讀冊內使監官進詣案

取冊讀冊于 皇后之右讀訖以授授冊內使監官進授
皇后 皇后受冊以授司言司言受冊捧立于 皇后之
左尚儀奏讀寶讀寶內使監官詣案取寶讀于 皇后之
右讀訖以授授寶內使監官授寶內使監官進授 皇后
皇后受寶以授司寶司寶受寶捧立于 皇后之左尚儀
奏拜興拜興 皇后拜興拜興尚儀奏請陞座尚宮傅姆
導引 皇后由東階陞即 御座司言司寶捧冊寶置于
案退立于左右尚宮傅姆及宮人內侍應侍衛者各陞立
于侍立位內侍引內外命婦就拜位北向立司贊唱拜興

拜興拜興拜興內外命婦皆拜興拜興拜興內侍引
命婦班首一人陞西階詣 皇后座前致辭曰伏惟 宸
下坤象配天德昭厚載率土含識不勝抃舞賀訖內侍引
命婦由西階降復位司贊唱拜興拜興拜興內外命
婦皆拜興拜興拜興司贊唱禮畢尚儀奏禮畢 皇
后降座尚宮傅姆仍導從 皇后入閣內外命婦送至閣
出就次內使監官出告禮畢冊寶使副退主昏者禮宴使
副內使監官畢冊寶使副復命並如告期之儀

納后發冊奉迎儀 前一日所司設樂儀仗如常儀至期

清晨鴻臚寺設 制書案節案冊案寶案於 御座前禮

部陳鴈及禮物於 丹陛上設綵輿於 奉天門外內官

監陳設 皇后鹵簿車輅禮物於綵輿南其傳 制遣使

並同前納采問名儀但改 制詞云茲冊某官某女為

皇后命卿等持節奉冊寶行奉迎禮其 制冊寶節用傘

蓋遮護從中門出執事舉鴈及禮物隨行正副使亦隨行

詣 皇后第行禮其奉迎用旗手衛鼓吹前導設而不作

教坊司作樂如常儀是日內官設 皇后幕次於內殿南

北向設 上與 皇后各更服處於內殿 皇后第前一

日設正副使幕次于大門外南向設香案 制書案節案

冊寶案于正門中又設香案 制書案節案于正堂別設

案于正堂北其日正副使至於綵輿中取 制書冊寶置

案上入次少候女官奉 皇后首飾禱服入中堂左內官

陳儀仗車輅等物于大門內禮官一員先入主婚者朝服

出見禮官曰奉 制冊 后遣使持節奉冊寶行奉迎禮

主婚者出迎執事者舉冊寶案前行正副使捧 制書及

節次行執事者執鴈及禮物隨入主婚者從行至正堂正

副使置 制節于案執事者置冊寶案于 制節之南冊

東寶西正使立於案左副使立于案右相向引禮引主婚

者就拜位行四拜禮退立於西南女官以首飾禱服進

皇后內官進 皇后儀仗於中堂前設女樂於堂下作止

如常儀司禮監官進前受節冊寶正副使於案取節冊寶

授之仍前立候內贊二人引捧節冊寶監官入中堂前各

置于案 皇后具服出閣女官及宮人擁護詣香案前向

闕立內贊贊行四拜禮贊宣冊贊跪 皇后跪宣冊官取

冊立宣於 皇后之左訖贊受冊贊搢圭宣冊官以冊進

授 皇后皇后受冊以授女官女官跪受立于西贊宣寶
宣寶官取寶立宣於 皇后之左訖贊受寶宣寶官以寶
進授 皇后皇后受寶以授女官女官跪受立于西贊出
主贊興又贊四拜禮畢 皇后入閣持節監官由正門出
授正副使報受冊寶禮畢引禮引主婚者請案前跪正使
取奉迎 制宣訖授主婚者主婚者授執事置于北案執
事者以鴈及禮物進副使以次受之授主婚者主婚者授
執事皆置于案又贊四拜禮畢正副使出大門外置節綵
輿中主婚者請禮從者及以幣勞正副使同前司禮監官

嚴整鹵簿復以奉迎禮入達于女官女官奉請 皇后冠
服出閣女樂前導宮人擎執擁護自東階下立香案前內
執事贊四拜畢請 皇后陞堂南向立主婚者進立于
皇后之東西向日戒之敬之夙夜無違命畢退立于東階
西向毋進立于 皇后之西東向施衿結帨曰勉之敬之
夙夜無違畢退立于西階東向內執事奏請乘輿 皇后
降階陞輿待從如儀內執事導從出門奉迎儀仗大樂前
行綵輿次行正副使隨行司禮監官擁導 皇后鹵簿冊
寶綵輿行宮人乘轎內官內使衛護從 大明門中門入

文武百官具朝服於承天門外東西向立班迎候輿入承天門退 皇后輿輅至 午門外鳴鐘鼓鹵簿止正副使以節授司禮監官先入復 命捧冊寶官捧冊寶傘扇儀仗女樂前導宮人擁護 皇后輿由奉天門進內庭幕次捧冊寶監官以冊寶授女官 皇后出輿由西階進上由東階降迎於庭揖 皇后入內殿內侍請 上詣更服處具衮冕女官請 皇后詣更服處更禮服 上同 皇后詣 奉先殿行禮捧冊寶女官以冊寶置 皇后宮中內官以 皇后車輅鹵簿入 午門過 御橋由中右

門進 皇后宮中

納后合卺儀 是日內官先於正宮殿內設 上座于東 皇后座于西相向置酒案于正中稍南置四金爵兩盃於案上謁 廟還內侍女官請 上與 皇后各就更服處 上服皮弁服陞內殿 皇后更衣從陞贊請陞座執事者舉饌案於 上與 皇后前女官司尊者取金爵酌酒以進飲訖女官進饌舉饌訖女官再取金爵酌酒以進飲訖進饌女官以盃盞酌酒合和以進飲訖又進饌舉饌畢內侍奏禮畢 上同 皇后輿內侍女官執事奏請

三才圖會卷之傳 帝五
廿六
上與 皇后就更服處易常服 皇帝從者餽 皇后之
餽 皇后從者餽 皇帝之饌

三才圖會

儀制六卷

雲間允明父王思義續集

皇太子納妃遣使圖

親王納妃與公主出降同

皇太子納妃納采圖

親王納妃與公主出降同

受冊圖

親王同

親迎圖

親王同

朝見圖

親王同

公主見舅姑圖

品官婚禮圖

士庶婚儀圖



皇太子納妃遣使圖一

將軍

將軍

將軍

將軍

將軍

將軍

武

武

武

武官侍立位

文官侍立位

護衛

引班舍人

引班舍人

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

護衛

引禮

引禮

使者

副使

鎮撫

鎮撫

贊禮

贊禮

皇太子納妃遣使圖一

典儀
天武

行
官

鞭
鳴

鞭
鳴

鞭
鳴

鞭
鳴

典儀
天武

天武

官司祿光

官司鸞儀

天武

宿衛
宿衛
宿衛
宿衛

將軍

將軍

車馬

將軍

車馬

將軍

宿衛
宿衛
宿衛
宿衛

門

門

門

將軍

承制官

執節官

王節官

舉寶案

舉寶案

奉寶官

將軍

舉冊案

舉冊案

奉冊官

寶案

冊案

御寶

御座

武官侍立位

文官侍立位

皇太子納如納采圖

問曰納吉納成請期同
新王納如納采圖同

次副使

副使

贊禮

贊禮

贊禮

副使

執節
執鴈

制案

主婚受制位

主婚者拜位 門

主婚者位

贊禮

引使者位

贊禮

贊禮

皇太子妃家受冊圖

親王妃同

聲執侍從

傳

使內寶讀

宮人侍從

內外命婦拜位
內外命婦拜位

引禮使
引禮使

使副位

節

內使監位

儀仗鼓吹

皇太子妃

姆

冊

寶閣庭

香

案

冊司

皇太子妃拜位

中門重翟車門

冊寶輿

案

案

冊司

傳

案書

宮人侍從

內外命婦拜位
內外命婦拜位

引禮使
引禮使

者婚主

位者婚主

吹鼓仗儀

使內冊讀

親迎圖

親王同

主婚者位

閣

皇太子真座位

灑掃出

門車

門

皇太子金轎向

主婚者揖位

主婚者揖位

位者婚主

吹鼓籥

妃

皇太子揖位

皇太子揖位

位輅降子太皇

吹籥鼓

朝見圖

監饋同

從侍左

從侍右

從侍左

傳 棗栗

御座

皇太子妃拜位

從侍右

從侍左

從侍右

姆 服備

皇太子納妃儀

前期擇日遣官告

太廟牲用犢各一

用祝文至期前一日所司設

御座於

奉天殿鴻臚寺

設制案節案於

御座前內官監禮部陳禮物於文樓

下教坊司設中和樂於殿內至日清晨錦衣衛設鹵簿於

丹陛丹墀禮部設綵輿教坊司設大樂俱於 奉天門外

上具衮冕御 華蓋殿鴻臚寺奏執事官行叩頭禮畢請

陞殿導 駕奉引如常儀 上御奉天殿文武官朝服叩

頭訖執事引正副使朝服就拜位行四拜禮傳 制官奏

傳 制訖由左門出執事官舉 制案節案亦由左門出

傘蓋遮護置丹墀中道傳 制官宣 制曰茲擇某官某女爲 皇太子妃命卿等持節行納采問名禮正副使又行四拜禮鴻臚寺奏禮畢 上與引禮引節案 制案由奉天門左門出執事官引文樓下禮物隨出至 奉天門外正副使取節 制書置綵輿中儀仗大樂前導從正門行出 東長安門外正副使釋朝服乘馬隨行詣 皇太子妃府行禮

受納采問名 皇太子妃府前一日設正副使幕次于大門外道左南向設香案于正堂中設 制案節案于香案

南別設案于香案之北其日正副使至大門外儀仗大樂分列置綵輿於正中設 制案節案於綵輿北引禮引正副使入幕次執事官陳禮物於正堂正副使幕次取節制書置案上禮官一員先入正堂立於東主婚者朝服出見立於西禮官曰奉 制聘 皇太子妃遣使行納采問名禮引禮引主婚者出迎引禮引正副使捧節及 制書先行主婚者隨行至正堂置節及 制書於案正使立於案左副使立於案右引禮引主婚者就拜位行四拜禮詣案前跪正使取納采 制宣訖授主婚者主婚者受之授

執事者置于北案上稍左副使取問名 制宣訖授主婚者主婚者受之授執事者置于北案上稍右主婚者俯伏與平身執事者舉答問名表案于主婚者後少西取表授主婚者主婚者受表跪授正使正使置表于案主婚者俯伏與平身退就拜位又行四拜禮畢正副使出置表綵輿中訖主婚者至正副使前致詞云請禮從者酒饌畢主婚者奉幣以勞正副使正副使出主婚者送至大門外正副使進祭綵輿於 東長安門入至 奉天門外以節表授司禮監官奏 聞復 命

納徵告期冊封 先期一日遣官告 太廟所司設 制案節案冊案 妃冠服禮物中和樂至日清晨設鹵簿綵輿大樂傳 制遣使禮儀並同前納采問名儀但設 妃儀仗車輅於 左順門外候禮物過隨行又改 制詞云茲冊某官某女爲 皇太子妃命卿等持節行納徵告期冊封禮

受納徵告期冊封 皇太子妃府前一日設正副使幕次香案 制案節案冊案玉帛案並同前受納采問名儀但納徵用玄纁束帛穀圭八馬等物其日正副使至 皇太

子妃府於絲輿中取節 制書冊玉帛置於案少候執事
先設 皇太子妃冠服諸禮物於正堂八馬陳於堂下禮
官一員先入正堂主婚者朝服出見禮官曰奉 制封
皇太子妃遣使行納徵告期冊封禮主婚者出迎執事舉
玉帛冊案前行正使於案取節及納徵 制書副使取告
期 制書捧之以次行主婚者後隨至正堂正副使各以
節 制書置于案退立于案之左右東西向置玉帛冊案
于 制書案之南引禮引主婚者就拜位行四拜禮引詣
案前跪正使取納徵 制書宣訖授主婚者主婚者受之

以授執事者執事者跪受置于北案正使捧主婚者
主婚者受之以授執事者執事者跪受置于北案副使捧
纁授主婚者主婚者受之以授執事者置于北案副使
取告期 制書宣訖授主婚者主婚者受之以授執事者
置於北案主婚者俯伏興平身復位行四拜禮畢正副使
入次少候女官捧 皇太子妃首飾冠服入中堂左內官
陳儀仗車輅等物於大門之內女官以首飾冠服進 皇
太子妃內官進 皇太子妃儀仗於中堂前司禮監官進
前受節冊正副使於案取節冊授之仍前立候內官二人

引捧節冊監官入中堂前各置于案 皇太子妃具服出
閣女官及宮人擁護詣香案前向 闕立贊禮女官贊行
四拜禮贊宣冊贊跪 皇太子妃跪宣冊女官取冊立宣
於 妃左訖贊受冊贊摺圭宣冊官以冊進授 皇太子
妃妃受冊以授女官女官跪受於右立於西贊出圭興又
贊四拜禮畢 皇太子妃入閣持節監官由正門出授正
副使報受冊禮畢正副使出大門外置節綵輿中主婚者
請禮從者及以幣勞正副使還至 奉天門外以節授司
禮監官捧入復 命

醮戒 先期一日所司設 皇太子幕次於中左門前丹
墀內設 皇太子受醮戒位於 御座南北向設 皇太
子拜位於 丹陛上北向設贊禮二人位於 皇太子
丹陛上拜位之北東西相向知班二人位於贊禮之南東
西相向設酒饌案於醮戒位之東稍北設司爵司饌各二
人位于案之南西向執膳內官先備金爵果盒以候是日
早鴻臚寺贊引二人具朝服并 東宮侍從官先入至
文華殿門前候 皇太子出行叩頭禮贊引二人及侍從
官導從由 奉天左門入至幕次具衮冕以候鼓三嚴

上御通天冠絳紗袍出鴻臚寺請陞座。上御奉天殿樂作警蹕文武官盛服行叩頭禮分班列侍如常儀樂止贊引及侍從官導引。皇太子出幕次至東陛下侍從官止贊引導引。皇太子由東階陞至。丹陛拜位北向立贊禮贊鞠躬四拜興平身贊引導引。皇太子由奉天殿左門入就醮戒位北向立司爵酌酒以進贊引贊跪。皇太子跪贊搢圭贊受爵司爵者以爵立授。皇太子皇太子碎酒訖以爵授內使內使跪受爵退置于案司饌者以果盒跪進。皇太子皇太子取少許食訖司饌者興以果

盒退置于案贊出圭贊恭聽。戒命。上命之曰徃迎尔相承我宗事勗帥以敬。皇太子曰臣謹受。命贊俯伏興平身贊復位贊引仍導由左門出至。丹陛上拜位立定贊禮贊鞠躬四拜興平身贊禮畢樂作警蹕。上降座還宮樂止贊引導。皇太子由東陛降丹墀。東宮內外官偕導從由。奉天左門出。午門外幕次易服。妃受醮戒。親迎日。妃家先於祠堂陳設祭物。妃服燕居冠服。妃父母妃請祖宗前行禮奠酒讀祝禮畢執事者具酒饌於內進。妃飲食訖父母坐於正堂女執事

引 妃詣父母前各四拜父命之曰尔徃 大内夙夜勤
慎孝敬毋違母命之曰尔父有訓尔當敬承 妃聽受訖
次詣諸尊長行禮畢改服翟衣以候親迎

親迎 是日早先設 皇太子幕次及儀仗奠鴈并所乘
輅教坊司大樂及隨侍官舍侍衛官軍俱于 午門外

妃家先設 皇太子幕次于中門之外南向設香案奠鴈
案于中堂 皇太子受醮戒訖贊引導引至 午門外幕

次易皮弁服訖贊引跪請陞輅 皇太子陞輅執鴈者後
隨樂作儀從先導隨侍官舍官軍導從由 東長安門至

妃家門外贊引跪請 皇太子降輅導引至幕次禮官

員先入至正廳立於東西向主婚者具朝服出見立於西

東向禮官曰 皇太子奉 制行親迎禮引禮二人具服

引主婚者迎 皇太子於幕次之外内官二員具服引

皇太子出幕次主婚者請 皇太子入中堂 皇太子先

行内官具服捧鴈隨入主婚者後行至中堂主婚者進立

於堂中之左 妃毋立於堂中之右東西相向 皇太子

至中堂女執事二人引 妃出房立于妃毋之下内官引

皇太子至案前内官捧鴈跪進 皇太子皇太子以鴈奠

于案內官引皇太子稍退近東西向立主婚者詣鴈案
前行八拜禮退復位執事者徹案引禮內官導皇太子
先行至中門女轎夫舉鳳轎至於中門之內內官具妃
儀仗于中門之外女執事引妃出內官跪請皇太子
詣轎所啓請揭簾妃陞轎內官啓請皇太子子陞轎前行
妃具儀仗從後行由東長安門進至午門外東駕
儀仗侍衛官舍官軍俱止妃儀仗入左順門內候內
官跪請皇太子降輅導引入幕次候妃至轎止內官
跪請皇太子揭簾妃降轎皇太子先行內執事以

帷幕擁護妃後行俱步入左順門內內官跪請皇
太子乘輿先行女官跪請皇太子妃陞轎後行至宮門
外皇太子降輿候妃至女官跪啓請皇太子妃降
轎入幕次候行合巹禮

合巹其日內官先于皇太子內殿外設妃幕次設
皇太子座于殿東西向設妃座于西東向各設拜位於
座之南設酒案于正中稍南置兩爵兩盃于案上皇太
子至宮門外降輿入候于內殿門外之東西向妃降轎
女官以帷幕擁護導引入幕次整飾訖導引至內殿門西

東向贊引二人導 皇太子前陞殿女官二人導 妃隨
陞贊請就拜位 皇太子與妃各就拜位贊 皇太子兩
拜妃四拜贊請陞座 皇太子與妃皆陞座女執事二人
舉饌案進于 皇太子及妃之前女官司樽者取金爵酌
酒以進 皇太子與妃各受爵飲訖女官進饌 皇太子
與妃皆舉饌訖女官再以金爵進酒 皇太子與妃飲訖
女官進饌皆舉饌訖女官再以盞盞酌酒合和以進 皇
太子與妃皆飲訖又進饌 皇太子與妃皆舉饌凡三舉
酒饌畢執事者徹饌案贊 皇太子與妃興就拜位相向

贊兩拜如前儀畢 皇太子從者餞 妃之饌妃從者餞
皇太子之饌 皇太子從者導 皇太子入宮更禮衣妃
從者及女官導 妃入宮易常服
初是兩宮 第二日清晨 皇太子冕服 妃翟衣女官
贊引各啓請出宮至 某宮門外以伺 某宮服燕居服
陞座贊引引 皇太子及妃自左門入 皇太子先入
妃從之贊禮贊請 某宮前 皇太子立于東 妃立于
西宮人以暇脩盤立于 妃之右贊 皇太子與妃皆四
拜執事二人舉案至 某宮前宮人以暇脩盤授 妃妃

奉盤置于案執事者舉案 妃隨案進至 某宮前妃復
位贊 皇太子與妃皆四拜與執事者徹服脩案于東贊
禮畢引 皇太子與妃出詣 上位宮前伺 上位具常
服陞座贊引引 皇太子及妃自左門入詣 上位前進
棗栗盤行禮同前畢詣 皇后宮進服脩盤行禮同前畢
贊引引 皇太子妃出是日 賜皇太子與妃宴
盥饋 第三日清晨 妃服翟衣贊引引 妃至 某宮
由左門入伺膳至贊引引 妃至前贊四拜尚食以膳授
妃妃捧膳置于案復位又贊四拜禮贊引引 妃退立于

西南伺膳畢引 妃出陞轎詣 乾清宮外降轎由左
門入伺膳至贊引引 妃詣 上位前并 皇后前禮俱
同

廟見 第四日內官于 奉先殿陳設牲醴祝帛贊引二
人引 皇太子二人引妃至 奉先殿詣 德祖玄皇帝
皇后神御前贊 皇太子與妃皆兩拜贊跪 皇太子跪
妃亦跪贊搢圭 皇太子搢圭贊進帛執事者跪進于
皇太子右贊獻帛 皇太子受帛以獻授執事者贊奠帛
執事者以帛奠于 神御前贊進爵執事者以爵跪進于

右贊獻爵 皇太子受爵以獻授執事者贊奠爵執事者以爵奠于神御前贊俯伏興 皇太子俯伏興妃亦興贊復位贊 皇太子與妃皆兩拜平身次詣 各廟禮同前贊詣讀祝位 皇太子與妃詣讀祝位贊跪 皇太子跪妃亦跪讀祝訖贊俯伏興平身 皇太子俯伏興平身妃亦興贊復位贊 皇太子與妃皆兩拜平身贊執事者捧祝帛各詣燎所贊詣燎位贊禮畢引禮引 皇太子及妃還宮

凡 親王納妃預擇親迎日期別擇日行定親納徵發冊催粧等禮其禮物仍依節次名數同日給送

納徵發冊催粧 前期一日內官監禮部儀禮司設冠服首飾金銀段疋等儀物于文樓下設玉帛案冊案并節于奉天殿內至日早禮部設綵輿教坊司設樂于午門外內官設 王妃鳳轎儀仗於綵輿之南 皇帝具皮弁服陞殿百官侍班正副使先行四拜禮執事官舉節及玉帛案冊案至丹墀置案於中道持節俟立傳 制官宣 制曰今聘某官某女爲 某王妃命卿等行納徵發冊等禮

正副使又四拜禮畢執事官以節授正使引禮引節并玉帛案册案冠服等物至 午門外置册及玉帛於綵輿冠服等物以次陳列而行

妃家受聘 前期一日 妃家設香案節案于正堂中玉帛案册案左右相向至日禮物至 妃家主婚者出迎引禮引正使持節副使捧册執事者捧玉帛至正堂各置于案正副使立於案左右冠服等物以次陳列禮官一員立于左主婚者立於右禮官曰奉 制命正使其官某副使其官某爲 某王行納徵發册等禮引禮引主婚者詣香

案前行四拜禮執事官捧玉圭玄纁主婚者先受玉圭次受玄纁各授執事再行四拜禮畢內官先以冠服進于

妃具服訖內官詣册案跪捧册入中堂置于案引禮女官引 妃出至册案前行四拜禮跪女官宣册訖 妃受册以授執事者再行四拜禮畢執事者設 妃座引禮請

妃陞座妃家應賀者行四拜禮正副使俟內官出告行禮畢持節出主婚者送至門外正副使回朝復 命妃家回奉禮物從 午門入內官監宮奏 聞

醮戒 其日 皇帝具皮弁服執膳內官備金爵酒果

王具衮冕行四拜禮執事者斟酒立授 王王跪飲聽
戒命訖再行四拜禮復詣 皇后前禮同

親迎 前一日 妃家令親人鋪房至日 王親迎儀衛

司先設 王儀仗教坊司設樂于 長安門外妃家先設

王幕次于中門之外香案帛案于中堂是日 王受戒命

訖具皮弁服陞輦至 妃家幕次禮官先入正廳立于東

主婚者立于西禮官曰 某王奉 制行親迎禮主婚者

詣幕次迎 王王前行主婚者後隨至中堂內官捧禮物

入中堂主婚者立于左 妃母立於右女執事二人引

妃出立于妃母之下內官以帛進 王王受帛置于案

王立于案左贊禮引主婚者詣帛案前行八拜禮畢引禮

內官引 王先出中門外詣妃轎所揭簾妃陞轎 王陞

輦前行妃具儀從後行 王至長安門外降輦候妃至揭

簾妃降轎 王先行至內釋皮弁服具衮冕與妃詣 奉

先殿行禮

廟見 是日內官先于 奉先殿陳設牲醴祝帛訖引禮

引 王與妃詣 四廟 帝后神御前行四拜禮獻帛獻

爵讀祝訖又行四拜禮畢還宮

合卺 其日內官先於 王宮設 王座妃座東西相向

各設拜位于座之南 王具皮弁服妃服鞠衣行拜禮

王再拜妃亦拜執事者設酒案于正中饌案于左右置兩

爵兩卺于酒案 王與妃陞座執事者舉饌案進于 王

及妃之前女官以爵進酒 王與妃飲訖進饌饌訖再進

酒饌如前儀又以卺盞酌酒進皆飲訖進饌皆饌訖徹案

王從者餽妃之饌 妃從者餽 王之饌


朝見 次日早 王具冕服 妃具霞帔褙子 皇帝服

皮弁服引禮引 王與妃詣 御前宮人以棗栗盤立于

王妃之右 王與妃各行四拜禮執事二人舉案 妃隨

案進至 御前王與妃又行四拜禮復詣 皇后前獻服

脩如前儀禮畢



公主 主 見 舅 姑 圖

女侍
公主位
女侍
女侍

服脩

棗栗

女侍

位 姑

公主拜位

公主拜位

位 舅

女侍

服脩

棗栗

女侍

司 同

司 同

公主拜位

棗栗

服脩

冊公主

前期告

奉先殿

用祝帛猪羊
行禮如常儀

冊文

維洪武某年歲次某其月某日

皇帝制曰古之

君天下者有女必封爾長女今已成人未有封號特以其
郡爲爾之號配其官某之子彼爲駙馬爾爲公主旣入其
官之門恪尊婦道以奉舅姑閨門整肅內助長佳毋累父
母生身之恩爾惟敬哉

謁廟

受冊次日引禮引

公主謁

奉先殿

用香燭

駙馬受誥

其日駙馬受

誥如常儀

公主受醮戒

其日早

公主具禮服辭

奉先殿申時

內宮陳設儀仗于正宮內 丹陛之東西大樂陳于丹

墀執事女官備金爵酒壺果合以俟內贊女官二員于殿

之東西 皇帝常服 皇后燕居服陞座 公主具禮服

引禮女官引 公主詣 皇帝前贊拜樂作四拜樂止贊

跪贊受爵女官以爵酌酒立授 公主公主受酒飲訖以

爵授執事者執事者跪受虛爵退復位贊恭聽 戒命隨

意訓 戒 公主聽受訖贊興贊復位贊拜樂作四拜興樂止

引禮女官又引 公主詣 皇后前贊拜樂作四拜興樂

止贊跪贊受爵執事女官酌酒立授 公主公主受酒飲

訖以爵授執事者執事者跪受虛爵以退贊恭聽 戒命

隨音意 訓戒 公主聽受訖贊興贊復位贊拜樂作四拜興樂

止禮畢 公主換燕居冠服命婦送至宮門引禮引 公

主由宮門東門出過宮門西上陞輦至右門內 公主降

輦駙馬揭簾 公主陞輦內使備儀仗鼓樂前導合女樂

三十六人接引至府公侯百官命婦送至府各回家

駙馬受醮戒 其日早駙馬父與駙馬具家用祭服告祠

堂畢至午後駙馬父坐于正堂駙馬具見尊長服引禮引

駙馬至拜位贊鞠躬兩拜興平身贊跪贊搢笏贊受爵執

事者酌酒授駙馬駙馬受酒飲訖以爵授執事者贊聽訓

戒駙馬父隨駙馬聽訖贊出笏俯伏興贊復位贊鞠躬兩

拜興平身禮畢駙馬便服上馬行親迎禮若駙馬父母俱存則父母同坐

于正堂行禮如前儀

親迎 其日駙馬受醮戒訖具儀從鼓樂前導至 午門

西下馬至朝房具朝服候申時序班二人具服引駙馬由

午門西角門入至右紅門內官二員具服接引駙馬至內

使監前候報 公主醮戒將畢引駙馬至 右門西東向

立 公主至駙馬揭簾 公主陞轎駙馬先由 午門西

角門出至上馬處上馬先至府候 公主至揭簾 公主

降轎同謁祠堂

謁祠堂 執事者先於祠堂設祭物畢引禮女使引駙馬

及 公主至祠堂拜位駙馬立于東 公主立于西贊禮

贊鞠躬拜駙馬 公主皆兩拜引禮引駙馬詣高祖考妣

神位前 公主仍立于拜位贊跪駙馬跪 公主亦跪贊

摺笏駙馬摺笏贊進爵執事者以爵跪進于駙馬右贊受

爵駙馬受爵以授執事者贊獻爵執事者以爵奠于高祖

考神位前贊再進爵執事者以爵進贊受爵駙馬受爵以

授執事者贊獻爵執事者以爵奠于高祖妣神位前贊出
笏俯伏興 公主亦興引禮又引駙馬詣曾祖考妣祖考
妣各神位前如前儀訖贊詣讀祝位駙馬至讀祝位贊跪
駙馬跪 公主亦跪讀祝訖俯伏興 公主亦興贊復拜
位贊拜駙馬 公主俱兩拜禮畢導還府行合巹禮
合巹 其日女使陳設駙馬座于室東西向 公主座于
室西東向各設拜位于座之南設酒案于室中稍南置兩
盞兩盞即葫蘆盞于案上饌案二于室中贊引二人導駙馬二
人導 公主就拜位贊兩拜駙馬 公主相向皆兩拜請

就位駙馬 公主各就位執事者奉饌案置于駙馬 公
主前執事者二人以二盞斟酒以進駙馬 公主皆飲酒
執事者進饌駙馬 公主皆舉筋執事者再斟酒駙馬
公主皆飲酒執事者再進饌駙馬 公主皆舉筋執事者
以兩盞盞斟酒合和以進駙馬 公主皆飲訖執事者又
進饌駙馬 公主皆舉筋執事者徹饌案贊駙馬 公主
興就拜位駙馬 公主相向皆兩拜禮畢
見舅姑儀一 公主見舅姑舅姑坐于東西向 公主立
于西東向行四拜禮舅姑各兩拜

品官婚禮圖



堂

賓

主

書

函

賓拜位

主昏主

主婚者拜位

引禮

引禮

庭

陳雁及禮物

門

賓揖位

主婚者拜位

引禮

引禮

物禮及雁

賓位

主婚者位

庶人婚禮圖

位 媒

位 媒者拜

函 書

庭

陳雁禮物

門

媒者

雁禮物

位 昏主

位 主婚者拜

主婚者

燕婿圖

品官士庶同

東

座人主
向 西

階 阼

南

北

堂


席末
南

婿跪位
向


階 西

婿拜位

醮女圖




親迎圖



見舅姑圖

三才圖會卷之儀制六



見祖禰圖

神位
香案

主昏者上香位

婦拜位

主昏者拜位

婿

主婦拜位

婦

諸親拜位

諸親拜位

三才圖會卷之儀制六

六

婦 納采 前一日主婚者設賓次於大門外賓
席於廳事至日設鴈及禮物於廳及庭媒氏省視訖執事
者舉禮物進賓及媒氏從其後質明主婚者具祝版告廟
以行賓至女第媒氏入告贊者延賓入次執事者各陳禮
物於大門內女氏主婚者公服出迎於大門外贊者引賓
出次主婚者揖賓入賓及媒氏陞自東階主婚者陞自西
階至廳賓立於左主婚者立於右媒氏立於賓之南執事
者各陳其物於廳及庭賓及主婚者皆再拜賓請主人曰
某官以伉儷之重施於某某率循禮典謹使某納采主婚

者曰某之子弗閑姆訓既辱采擇敢不拜嘉主婚者揖賓就西向坐主婚者東向坐執事者徹禮物訖賓復入陳鴈及禮物於廳賓詣主婚者曰某官慎重婚禮將加卜筮請問名主婚者進曰某第幾女某氏出或以紅羅或以銷金紙書女第行年歲賓辭將降出主婚者曰請禮從者賓復就坐遂行飲食之禮畢賓降自東階出主婚者送至大門外

納吉 禮如納采儀賓致辭曰某官承嘉命稽諸卜筮龜筮協從使其告吉主婚者曰某未教之女既以吉告其何

敢辭

納徵 禮如納吉儀加玄纁束帛函書賓致辭曰某官以伉儷之重加惠某官率循典禮有不腆之幣敢請納徵主婚者曰某官貺某以重禮某敢不拜受辭畢賓即函書授主婚者主婚者受書以授執事者主婚者之從者亦以函書進授主婚者主婚者受以授賓賓受書以授左右訖主婚者揖就席主婚者之執事者各徹禮物

請期 亦與納吉同

親迎 前一日主婚者設次於大門外其日婿父公服告

于禰廟質明婿具公服親迎執事者設婿父位於廳之正中婿父即座贊者引婿陞自西階至父座前北面再拜進立父位前父命之曰躬迎嘉偶釐尔内治婿進曰敢不奉命退復位再拜媒氏導婿之女家其日女氏主婚者公服告廟訖宴會親戚醴女如家人禮婿至門外下馬媒氏入告贊者引婿就次女從者請女盛服就寢門内南坐贊者引婿出次主婚者出迎婿於大門之東西面揖婿入主婚者入門而右婿入門而左執鴈者從婿後至寢戶前北面立主婚者立於寢戶之東西向執鴈者陳鴈於庭婿再拜

婿出就次主婚者不降送婿既出女父母就正廳南向坐保姆引女就父母座前北面四拜父命之曰徃之女家以順爲正無忘肅恭母命之曰必恭必戒毋違舅姑之命庶毋申之曰尔悅聽於訓言毋作父母羞保姆及侍女導從女出門陞車儀衛導前應送者乘車從後婿先還以俟

同牢儀 女將至婿家執事者設座於寢室內婿東婦西設婿洗一於室之東南婦洗一於西北酒案於室之南楹正中設四爵兩盃於酒尊之北食案二於酒案之北初昏婦車至門保姆請下車贊者引婿出迎於大門内婿婦同

入及寢門婿先陞階保姆等導婦後陞入室婿盥於南洗
婦從者執巾進水以沃之婦盥於北洗婿從者執巾進水
以沃之盥畢從者請婿婦各就座執事者各舉食案於婿
婦之前司尊者注酒侍女以酒置于案上婿婦飲訖徹醖
司饌者進饌侍女供饌案於婿婦饌訖徹饌再飲再饌如
初侍女以盃注酒進於婿婦前各飲畢贊者請皆興立於
座南東西相向贊拜婿婦皆再拜侍從引婿婦入室易服
婦從者餽婦之餘婦從者餽婿之餘

婿至之明日見宗廟設主婚者拜位於東階下婿
拜位於其後主婦拜位於西階下婦拜位於其後諸親拜
位男女各於主婚者及主婦後其日婦夙興沐浴盛服主
婚者及主婦皆盛服各就位再拜贊者引婦進詣庭中北
面立主婚者陞自東階詣神位前跪三上香三祭酒讀祝
興主婚者立於神位西婦四拜退復位主婚者降自東階
就拜位主婚者以下皆再拜禮畢

見舅姑 婦既謁廟見舅姑執事者先設舅姑位於堂上
舅在東姑在西婦沐浴盛服立於堂下俟舅姑即座贊者
引婦就拜位四拜保姆引自西階至舅前侍女奉棗栗授

於婦婦受之置位前案上降階復四拜訖詣姑前奉服脩
如舅前儀執事者各徹訖婦退降自西階至庭下拜四拜
禮畢婦退舅姑醴婦如家人禮

盥饋 婦見舅姑之明日行盥饋禮其日婦家備盛饌至
婿家婦從者設舅姑位於堂上食案於堂中婦夙興沐浴
盛服立於庭下舅姑即座婦四拜保姆引婦陞自西階至
舅位之南婦從者舉食案於舅前執事以饌授婦婦奉饌
置於舅前執事者加七筋進饌於姑亦如之食訖婦從者
徹饌婦降階就拜位四拜禮畢舅姑醴婦如初見禮

舅饗丈夫送者 其日質明主婚者命執事者設賓席於
正廳東西相向其席位從其賓之數設酒案於廳之南楹
設食案於酒案之北賓至掌次者引賓先就次主婚者出
迎於大門之外引禮者引賓出次主婚者揖賓入賓升東
階主婚者升西階至廳分東西相向立贊禮唱鞠躬再拜
賓主皆再拜平身主婚者揖賓客就座執事者舉食案進
供於賓客主婚者之前進酒進饌如常儀會畢賓主俱興
賓立於東階上西向主婚者立於西階上東向執事奉幣
以授主婚者主婚者以授賓賓受以授左右降自東階從

者受幣以從賓出主婚者送於大門之外

姑饗婦人送者 其日主婚者之執事者設女賓次於中

門之內設女賓席於後堂東西相向設女賓親黨位於女
賓之南西向設主婦親黨位於主婦之南東向設酒案於
堂之南楹設食案於酒案之北女賓至掌次者引就次主
婦出迎於次外女贊引女賓出次主婦接女賓同入女賓
升東階主婦升西階至廳分東西相向立女贊唱再拜女
賓及主婦皆再拜主婦請女賓皆就位坐侍女舉食案進
供於女賓主婦之前進酒進饌如常儀會畢女賓及主婦

皆興執事者奉幣以授主婦主婦受幣以授女賓女賓受
幣降自西階以授從者從者奉幣以從女賓出主婦送於
門外

庶人納婦

凡男年十六女年十四以上並聽婚娶先

媒氏通言女氏許之次命媒氏納采納幣至期婚盛服朝
迎主婚者禮賓明日婦見祖禰畢次見舅姑婿往見婦
母

納采 是日夙興主婚者告于祠堂云某人之子某年已

長成未有伉儷已議娶某郡某之女今日納采不勝感愴

若宗子自昏則自告媒氏奉書及禮物往女家至大門外主婚者出

迎媒氏媒氏入門而右主婚者入門而左升堂東西相向
立執事陳禮物於堂上及庭中媒氏進請主婚者曰吾子

有惠貺室於某某親某有先人之禮使某請納采主婚者對曰某之子蠢愚又弗能教吾子命之某不敢辭從者以書進授媒氏媒氏奉書以授主婚者主婚者受書以授左右訖延媒氏就次執事者各徹禮物主婚者遂奉書告於祠堂訖出迎媒氏升堂從者以復書進授主婚者主婚者以授媒氏媒氏受書以授執事訖請退主人請媒氏以酒饌請從者於別室皆酬以幣使者復命婚家婚家復告祠堂

納幣請期

古有問名納吉朱子家禮止用納采納幣以從簡便

其日婿氏主婚者

備書及禮物於庭媒氏省視訖遂奉書及禮物至女家王

婚者出迎媒氏入門而右主婚者入門而左升堂東西相

向立從者陳禮物於堂及庭中媒氏進詣主婚者前曰吾

子既脩好於

某某

使

某某來成主婚者曰備禮有加敢不重

拜從者以函書授媒氏媒氏以摺主婚者主婚者受書以

授左右訖左右以復書進授主婚者以授媒氏媒氏受書

復致命曰

某某

使

請吉日主婚者曰

某某

固聽命媒氏曰請

以某某甲子主婚者曰敢不承命媒氏請退主婚者留媒氏

宴饗如納采之儀

親迎

有故聽以媒氏往迎

前期一日女氏使人張陳其婚之寢室

俗謂之其日質明婿父盛服以祝告廟訖父坐於正廳中

鋪房品官子孫假九品服餘皂衫折上立於父位之西少南東

間南向子盛服品官子孫假九品服餘皂衫折上向贊禮唱鞠躬拜興拜興平身婿鞠躬拜興拜興平身執

事者以醖注酒授婿婿飲酒少許訖啐酒以醖授從者訖

興平身進立於父位前父命之曰釐爾內治往求爾匹婿

進曰敢不奉命贊禮唱鞠躬拜興拜興平身婿鞠躬拜興

拜興平身降出乘馬以二燭前導至女家司賓延入次是

日女父母請親戚宴女如家人之儀婿至主婚以祝告於

祠堂曰某之第幾女將以今日歸于某不勝感愴告祝訖

出迎婿於中門之外揖婿入主婚者升東階西向婿升西

階進當寢戶之前北面執鴈於階庭無雁以婿曰某受命他物代

於父以茲嘉禮恭聽成命主婚者曰某固願從命贊禮唱

鞠躬再拜平身婿鞠躬再拜平身贊禮引婿降階出至次

以俟主婚者不降送婿既出就次女父母盛服向南坐侍

女導從女至堂上詣父母前北面立贊者唱四拜女四拜

父戒之曰往之爾家無忘肅恭毋戒之曰夙夜以思無有

違命諸毋申之曰無違尔父母之訓贊者又贊四拜女四

拜興訖侍女導從出門升輿二燭導行婿先乘馬還俟於

門外婦至門外贊者請降輿婦降輿入門北面立婿出至
中門外南面揖婦同入室婦從者布婿席於室東婿從者
布婦席於室西贊者引婿婦至席所東西相向贊禮唱拜
興拜興婿婦皆再拜婿揖婦就坐婦從者舉食案置於婿
前婿從者舉食案置於婦前婦從者斟酒進供於婿婿受
醴飲酒婿從者斟酒進供於婦婦受醴飲酒畢從者以饌
進婿婿皆饌再飲再饌畢婿從者以盃斟酒進授婿婿受
盃婿從者以盃斟酒進授婦婦受盃同飲畢婿婦皆興入
寢室婿脫服婦從者受之婦脫服婿從者受之婿從者餞
婦之餘婦從者餞婿之餘主婿者禮男送者於外廳主婦
禮女送者於中堂各如儀

見舅姑 婦至之明日謁見舅姑其日夙興盛服立於堂
下舅姑坐於堂上舅位在東姑位在西置卓子於舅姑之
前家人男女少於舅姑者立於兩序侍女引婦立於東階
下贊禮唱四拜婦四拜侍女引婦升東階至舅位前侍女
以贊幣進授於婦婦受贊幣奠於卓子上舅撫之侍女引
婦降階北面立贊禮唱四拜婦四拜侍女引婦就西階下
立贊禮唱四拜婦四拜侍女引婦升西階至姑位前侍女

以贊幣進授於婦婦受贊幣進奠於卓子上姑撫之侍女
引婦降階北面立贊禮唱四拜婦四拜贊禮唱禮畢舅姑
醴婦如家人之儀

見祖禰

古者三月而廟見朱子家禮以其太遠改用三日

婦至之明日見于祖

禰

無廟者設神位於廳事中

設主婚者拜位於東階下北面婿拜位於

後設主婦拜位於西階下婦拜位於其後親屬拜位各以
序分立於主婚者主婦之後其日夙興沐浴盛服主婚者
及主婦皆盛服贊禮引主婚者就東階下位次引主婦就
西階下位次引諸親及婿婦各就位立定贊禮唱再拜平

身主婚者以下皆再拜平身贊禮引婦進詣庭中北面立
引禮引主婚者升自東階詣神位前引禮唱跪主婚者跪
引禮唱上香上香三上香司香者奉香進于主婚者左主
婚者三上香訖引禮唱祭酒祭酒三祭酒司尊者以酒進
于主婚者之左主婚者祭酒畢引禮唱讀祝讀訖引禮唱
俯伏與平身主婚者俯伏與平身引禮引主婚者立於神
位之西贊禮唱四拜婦四拜訖退復位引禮引主婚者降
自東階就拜位贊禮唱鞠躬再拜平身主婚者以下皆鞠
躬再拜平身贊禮唱禮畢主婚者以下皆退

婚見婦之父母

婦至之明日婚盛服往見婦之父母至

大門外立伺贊禮者先入告婦父出迎於大門外揖婿入從者執幣從其後婦父升自西階婿升自東階至廳東西相向婦父在西婿在東贊禮唱鞠躬四拜平身婿四拜與平身婦父扶婿與從者以幣進授婿婿受幣進於婦父婦父受幣以授左右贊禮引婿入至後堂門外少伺從者執幣以從婦毋盛服出後堂南向立贊禮引婿入堂前楹北向立贊禮唱鞠躬四拜平身婿鞠躬四拜與平身婦毋答拜訖從者以幣授婿婿受幣進授婦毋之左右訖贊禮引

婿出次見婦黨諸親皆如賓客相見之禮婦家設酒饌禮婿各隨貧富之儀

饗送者 其禮如品官饗送者之儀

